

Akissarsiat il.il. akitsuutitut iluarsineqartarnerat pillugu Inatsisartut inatsisaat

§ 1. Pristali Kalaallit Nunaanni iluarsissutaasarteq januar 1984 aallarnerfigalugu naatsorsorneqartassaaq qaammammi tassani pristali aallaavigalugu (=100).

§ 2. Ataatsimut isumaqatigiissutini il.il. akissarsiat pristali Kalaallit Nunaanni iluarsissutaasarteq tunngavigalugu iluarsineqartarfini akissarsiat akitsuutitut iluarsineqartassapput 100-p pointinik 3-nik qaangerneqarneri tamaasa 18 qaangerlugit ukiulinnut nal. akunneranut 90 øremik aaituna 18 inorlugit ukiulinnut 45 øremik. Pointit sinnerukkunnartut iluarsiinissamut tullermut uninngatinneqassapput.
Imm. 2. Inatsisip atortuulernerani tapisiat immikkullu akissarsiarititat manna tikillugu akitsuutitut iluarsineqartartut taamatut 100-p pointinik ilivitsunik 3-nik qaangerneqarneri tamaasa manna tikillugu aningaasat angissusiisa 9/5-iinik iluarsineqassapput.

§ 3. Inatsit una atortuunngilaq akissarsianut, il.il. naalagaaffimmi atorfeqarnermi akissarsiarineqartunut imaluunniit naalagaaffimmit akilerneqarsimasunut.

Imm. 2. § 2-mi aalajangersakkat akitsuutitut iluarsissuteqartitsisarnerup atorunnaarsikkallarneqarnissaanut peerneqarnissaanulluunniit akornutaanngillat.

§ 4. Inatsit manna atortuulerpoq 31. december 1983.

Imm. 2. Pristali Kalaallit Nunaanni iluarsissutaasarteq tunngavigalugu akitsuutitut iluarsiissutit allat (januar 1975 = 100) 1. oktober 1983-ip kingornatigut tunniunneqassanngillat, 1983-ip affaani kingullermi akit qaffaataat pristalimi Kalaallit Nunaanni iluarsissutaasartumi nutaami inatsisikkut matumuuna aalajangersarneqartumi tunngaviusuni ilaairanata, tak. § 1.

Namminersornerullutik Oqartussat, ulloq 5. december 1983

Jonathan Motzfeldt

/

Moses Olsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut